

KANTONALNI SUD U SARAJEVU, sa sjedištem u ulici Šenoina broj: 1. Sarajevo, ID broj: 4200235110001 (u daljem tekstu Primalac usluga) koga zastupa i predstavlja **Predsjednik suda Jasmin Jahjaefendić**

i

„**KONIS**“ **Društvo za uslužne djelatnosti sa ograničenom odgovornošću**, sa sjedištem u ulici Skenderija broj: 27. Sarajevo ID broj: 4200089380000 (u daljem tekstu Davalac usluga) koga zastupa i predstavlja izvršni direktor **Jukić Selmo**.

Na osnovu Odluke broj: 009-0-Su-18-000279 od 09.03.2018.godine, a nakon provedenog Konkurentniskog postupka za dostavu ponuda javne nabavke ugovorne strane **z a k l j u č u j u :**

UGOVOR

O PRUŽANJU USLUGA ČIŠĆENJA OBJEKTA KANTONALNOG SUDA U SARAJEVU

Član 1.

Predmet ovog Ugovora je regulisanje međusobnih odnosa između davaoca usluga i primaoca usluga, a povodom pružanja usluga čišćenja objekta Kantonalnog suda u Sarajevu, koji se nalazi u ul. Šenoina br.1, ukupne površine 3.430,90 m².

Član 2.

Davalac usluga će u poslovnim prostorijama iz člana 1.ovog Ugovora obavljati isključivo poslove iz okvira svoje registrovane djelatnosti.

Član 3.

Ugovorne strane su se sporazumjele da će se pružanje usluga čišćenja objekta iz člana 1.ovog Ugovora obavljati svaki dan, osim nedelje u dvije smjene i da se ugovor zaključuje na period od 12 mjeseci i to od 15.06.2018.- 15.06.2019.godine ,a sve u skladu sa obrascem za cijenu ponude, broj: KO-PO -14/18 od kao i tehničkom specifikacijom koje su sastavni dio tenderske dokumentacije.

Član 4.

Ugovorne strane su se sporazumjele da će primalac usluga za obavljeni posao plaćati mjesečno davaocu usluga iznos od **2.750,00 KM bez PDV-a**, odnosno iznos od **3.217,50 KM sa PDV-om**. U cijenu usluga nisu uračunati troškovi nabavke materijala za čišćenje i lične higijene.

Član 5.

Primalac usluge je obavezan izvršiti plaćanje fakture za obavljenu uslugu u roku od 30 dana od datuma dospjeća fakture putem JRT Kantona Sarajevo i to na račun Davaoca usluge broj: 1540012000225427 kod INTESA SANPAOLO BANKE .

Član 6.

Ugovor se zaključuje na period od godinu dana ili do izvršenja isporuke u ugovorenoj vrijednosti.

Ugovorne strane mogu ugovor raskinuti i ranije ukoliko se jedna od strana ne bude pridržavala odredbi ovog ugovora, uz prethodno izmirenje svih obaveza nasatalih po osnovu Ugovora.

Otkazni rok po ovom Ugovoru je 30 dana od prijema pismenog obavještenja, a po isteku tog roka ugovor se smatra raskinutim.

Član 7.

Sve eventualne sporove ugovorne strane će rješavati mirnim putem, a ako u tome ne uspiju, ugovaraju nadležnost suda u Sarajevu.

Član 8.

Ugovor je sačinjen u četiri /4/ istovjetna primjerka od kojih svaka ugovorna strana zadržava po dva /2/ za svoje potrebe.

Izvršilac:

„KONIS“ d.o.o.Sarajevo

Direktor

Broj: _____

Sarajevo, _____ 2018.god

Naručilac:

KANTONALNI SUD U SARAJEVU

Predsjednik suda

Jasmin Jahjaefendić

Broj: 009-0-Su-18-000279

Sarajevo, _____ 2018.god